

իւրոյ , \ 0 4 \ (1687) սակայն չեղեւ տեւական . զի Սիւնն եպիսկոպոս ոմն էառ 'ի Դրանէ զիշխանութիւն Պատրիարքութեան Երուսաղէմի , առանց վճարելոյ զսահմանադրութեան , որպէս յայտ առնէ զայս Պատրիարքական Պերաթն . և եկեալ 'ի բաց վարեաց անտի զՅովհաննէս եւ յինքն կալու զաթոռն զամս իբր և , և ապա ընկեցաւ յաթոռոյն հնարիւք նախորդին իւրոյ : Ի սոյն ժամանակի Մելիտոն և Թուսման ' և Յովհաննէս վարդապետ , առեալ հրաման ծեփեցին զեկեղեցի Ս . Յակոբայ և Յ սեփեակս , և չինեցին զքարեայ սանդուխն Բեթղեհէմի վանաց :

Ի մեռանիլ Սուլթան Մէհէմէտ չորրորդի , եւ 'ի թագաւորել Սուլթան Սուլէյման երրորդի , եղեւ հրաման նորոգութեան հին հրովարտակաց , ըստ սովորութեան թագաւորացն Օսմանցոց : Յայնժամ հարկ եղեւ Յովհաննէս Պատրիարքի նորոգել զհրովարտակ իւր , որոյ վասն գնացեալ 'ի Կոստանդինուպօլիս , ետ նորոգել զայն , վճարելով զսահմանաւ տուրսն , եւ եկեալ յերուսաղէմ սկսաւ վարել զիշխանութիւն Պատրիարքութեան , \ \ 0 4 \ (1691) :

Մինչչեւ ձեռնարկեալ մեր 'ի գործ Յովհաննէս վարդապետի , տեսցուք համառօտիւ զվէճս Յունաց ընդ Լատինաց , որ եղեւ 'ի սմին ժամանակի :

Յոյն Պատրիարքն Երուսաղէմի առաքեաց զփոխանորդս և զթարգմանս իւր առ դատաւորն եւ ամբաստան եղեւ զՌափայէլ փոխանորդէն , զԱնտօն և զՄանսուր թարգմանաց նոցին , և ասեն , եկեղեցին Բեթղեհէմի՝ սիւնաղարդ դաւիթն , և փականք դրանցն՝ են 'ի ձեռս Յունաց , և չէօրէն ումեք 'ի քրիստոնէից առանց հրամանի Պատրիարքին Յունաց մտանել անդ սակս ուխտի , որպէս յայտ առնէ զայս կայսերական հրովարտակն : Իսկ յայսմ ամի միաբանք Լատինաց 'ի գալտեան նոր տեսչի իւրեանց , և 'ի գնալ նորին 'ի Բեթղեհէմ ընդ առաջ ելին նմա մոմեղինօք եւ զգեստօք , և արկին գորդ 'ի սիւնաղարդ դաւթի անդ . և յետ աղօթս մատուցանելոյ , էջ յԱյրն Մինդեան Քրիստոսի , եւ անտի դարձաւ 'ի վանս իւր : Սակայն այսօրիկ արատքոյ են սովորութեան , և չունին Լատինք իրաւունս առնել այնպէս , զի բովանդակ եկեղեցին սեփական է ագգին Յունաց : Եհարց դատաւորն ցփոխանորդն Լատինաց